



09845

粵氛紀事卷之六

謝山居士輯

西江反噬

粵逆之越彭蠡而東也江右報平安之火官民幸甚予時方攝安仁篆聞之亟致書槐卿謂回竄之期禍且不遠而鄱陽當其湖東之衝宜速備之槐卿復以書訊予予曰建康之所以得爲孫吳六朝都會者以有荆江二州蔽其上游耳若無二鎮則建康不能以一日守此周瑜自鄱陽召回席不煖而澆浙行也今賊欲以全力致之江甯遂舍武漢潯陽而去自皖以上烽火一清此遭其睡也楊逆鷲而

粵氛紀事

卷之六

一

多謀中必悔之悔則必圖再舉是異日之憂方大耳雖然賊至九江豫章病矣而禍中于楚蓋賊欲致其所必爭則將以豫爲因糧之齋而并帑于鄂以思控其形便爲目前計亟宜乘上游無賊咨會鄂撫合兩省之兵以守潯陽連營六十里達于湖口更咨照皖撫若安慶不可守則以之困賊而捍北門外之集賢關以防新省時已移省會入廬州賊至則潯陽湖口之兵邀之于小孤之阨地維時春夏之交南風司令賊舟艱于逆溯翱翔江上亦將不戰而潰然後我軍分撥水師乘下游之勢燒其戰艦以視周瑜之遇于赤壁事半功倍此機一失則是曲突不謀而焦頭爛額之不旋

踵也時潯鎮官兵驚弓未定而鄂省收復傾厦方支大吏
以下闕堂視蔭朝不及夕賊果以四月連檣上竄江右一
省之兵本不足以擋拄殘局而回竄之情形湖口先受之
于是江撫乃有九江一座空城守之無益之奏雖然江岷
樵中丞楚吏也救豫救皖之不及則其所先者宜莫如楚
潯陽者賊之假道以入楚則宜以救江西者兼顧楚北是
則當日咨請赴潯會勦乃全算也江撫權于難易之間擇
中策而守之非不明于目前之彼已而惜其失于先事之
防秋迨至解江省之圍而自速其楚省之禍岷樵中丞乃
中悔之卒馳驅盡瘁于皖楚之間而死豈非天哉中丞既
粵氛紀事

卷之六

二

死鄂亦旋失賊乘其間以斷彭湖右臂而搯汚漢之吭是
知桑榆之收本屬非計何況楚固爲壑江亦自決其防而
兵臨禍結之期不遠也是役也予以承乏衝區綜核文報
參以偵探故其間見較他省差得其詳且實者

三年夏五月有本省候補府林林勳自江南大營來途次

偵知粵匪自金陵回竄上游由驛置飛報時江撫駐省會

初傳向帥所帶潮勇自江甯遣散回粵方疑所報不實而

賊已踰安慶泊彭浪磯湖北臬司江忠源自楚北督勇赴

皖豫行至九江前途梗塞乃咨請江撫帶兵會堵潯陽以

控江鄂兩省門戶江撫以省會繁要奏稱九江經正月驟

躡之後僅餘一座空城臬司江某未便以有用之才真之無用之地請

旨飭赴省城會勦又坵片奏稱該逆尙在彭澤下游連日南風不能前進請先飭該臬司退保吳城相機進止然是時省中司道以下僉稱中協兩營存城之兵不專守禦而所謂九江鎮下又皆正月受創之潰卒目前所恃不過楚軍賊以舟師沿湖上濳非陸戰所能扼不如并力于省且爲致人之計以待之廉訪奉調遂以其師來會 十五日楚軍至省營于城中城之西北門曰德勝曰章江當湖西之衝撫軍聞賊渡湖亟遣員持令箭焚毀城外民房令各

粵氛紀事

卷之六

三

門謹錄鑰牡另築空心炮台以爲官兵之出入時新任九

江鎮總兵馬

濟美

統本鎮兵營于永和門外撫軍料檢省

中主客兵及新募壯勇不及萬人遂將饒郡叅將所轄及

鄱陽沈大令

衍慶

自募之浮梁樂平各勇尅期徵發疾置

旁午益以湖東爲邊徼弃地矣

十六日賊陷南康府執

府縣都司生致之舟中十七日過吳城時調浙之金處兵分防在鎮賊舍舟登岸官兵不戰而潰吳城同知王籙戒南康之禍相與繳印投劾而去 十八日已刻賊舟泊省

城德勝門外時城外延燒之房屋篋篋高堅滕王閣在焉火三日不得息賊至先虜城外居民救火遂踞其所焚之

未盡者是日楚軍施放火箭沈其舟艦二次日官軍自空
心炮台出敗賊于德勝門外楚軍以首先衝隊陣亡勇目
一人亟收隊由德勝章江門過縱火復壞其館垣而入賊
之至城外也見城中守禦甚嚴欲悉水陸之師以久攻者
疲之乃于北蘭寺一帶連營數里掘濠起塹據其戰地又
分布黨羽沿湖西南新兩縣所轄之二三十里內肆其搜
括日出夜歸官兵裹糧坐甲但謀扞城于是賊勢益逞初
賊過南康有匪徒脅居民縛官獻城更備錢米雞豚餽賊
規以自免吳城人欲效之官先期走匿而鎮上爲商賈所
輻輳賂遺益數倍賊不藉遠輸不事野掠因糧宿飽如取
粵氛紀事

卷之六

四

如攜加以奸民居間苛派鳩斂希冀分肥遂倡進貢之議
東至饒廣南達撫建牛酒日至賊雖攻城不得益以此牽
制重兵弗敢動 二十六七等日饒城官兵二百名義勇
一千名並饒城叅將及鄱邑大令皆先後至時

上方飭在籍之尙書陳孚恩幫辦軍務前安徽山東臬司

徐思莊督辦團練遣其子布政使經歷徐德庸前赴淳梁

鄱陽等處招募壯勇號安全軍皆駐城外陳尙書告于撫
軍謂許真君爲江右福至請至萬壽宮迎行像安設于章
江門樓上撫軍率屬吏紳士日進香一次時傳言賊所射
火箭率自城內倒躍而出以爲真君靈感所致撫軍尙書

益致敬勿敢懈

六月初四日賊穴德勝門西震陷城垣六丈餘九江鎮兵自外分路抄擊楚軍堵築復完是時江撫求援于江甯向帥遣兵自徽甯取道又咨稱此股真賊不多合兩湖之死黨不過數百人其餘皆江甯鎮揚脅從之衆恇怯無能爲若得內守外勦可期一鼓而滅然江撫意在堅守未敢輕率肇衅而馬鎮軍初至拊循鎮中士卒勗以忠義皆思爭自奮以瀟雪前恥屢請勦賊不許突于十五日接据安徽探報稱自初十日至十四日有賊艘千餘連檣而過經魯港三板子磯等處援賊復至省中之守益形竭蹶矣

粵氛紀事

卷之六

五

二十四日賊復穴陷德勝章江城垣十五丈餘時馬鎮軍在永和門聞之領營而出適城外各營皆出隊助勦鄱之兵勇沈大令率之與鎮軍爲犄角遂大敗城外之賊楚軍以其間外扼內堵轉危爲安是役也以潯兵爲首功而鎮軍欲乘勝請發楚軍二千合城外兵進攻賊營撫軍不可亟下令收隊鎮軍不懌次日又請城內發兵助攻賊營時大府皆以楚軍爲一城之勁旅不欲分兵自弱鎮軍請戰不得慨然曰賊之攻圍者一月以來未嘗受創而內外諸軍之合力捍城者以守則外勞而內逸以賞則內重而外輕今守兵不勦而勦兵之在外者衆寡不敵是賊終無退

之日也乃督厲鎮兵深入賊壘遂被賊之伏者橫起刺之
鎮軍中傷墜馬踏地值沈大令統鄱勇助戰見前師已潰
乃與軍士約退後者斬麾令從九胡格執旂前驅而自殿
其後鎗炮並發賊始退營拒守潯兵遂得乘間搶回鎮軍
之尸是時蹶一上將賊頗自謂得計乃謀縱兵以窺外郡
東西告警不旋踵而饒瑞之疾置聞矣 七月初一日賊
以舟師南竄豐城縣陷之城中上年漕運截留在倉賊虜
居民運入舟中撥送到省以給兵食計五六萬石次日輕
舟上竄適東風大作一晝夜抵瑞州遂以初三日陷之郡
地處上游之內河居民殷富賊之攻省也會垣官幕皆挈
粵氛紀事 卷之六 六

眷在依之然以地居腹背不備不虞猝聞豐城陷知府盧

某不謀于僚吏夤夜扮賈人服自西門出高安令胡光輔

素謹愿束手不知所措時江廉訪在省遣人赴楚南增募

壯勇其弟忠淑率之以援江右之急行抵瑞州郡中文武

不留乃前去泛舟至距城二十里之江郵市遇賊于中流

亟遣人赴郡借火礮一石未及施放已被賊船先發轟其

舟楚勇遂棄其資裝鎧仗登岸退入奉新高安城中偵探

隔絕聞二十里外炮聲殷如雷方恃楚勇擊賊爲外援不

意天明賊舟盡泊城下居民舖戶先期奔避而官幕之送

其帑者遂及于難大令聞賊至移入書院乘醉自縊有鄉

勇救之負以歸遂首之于賊賊縛大令置舟中越日遂遇害是役也太守不去留楚軍與之共守則瑞州一城之守客不至淪胥以鋪天欲與之而人自廢之惜哉賊踞瑞五日悉載其輜重入省遂謀東竄值潯兵及浮樂之勇以捨馬鎮軍尸爭賞不均而沈大令在康山時有到省得一勝仗卽仍回饒堵禦之約遂藉詞潰散大令駛輕舟追之未及數日而東竄之賊至矣 十三日賊竄饒州府饒郡隸潯鎮下叅將所轄不過五百人又分守安仁萬年及本縣之石門童子渡故縣渡各汛幾去其三分之一郡城地勢庫薄遭戊申己酉大水城無完郭省事旣急江撫以倉卒無粵氛紀事

卷之六

七

所得兵乃撤饒營二百人令叅將率以援省不足則又取之沈大令自募之義勇以爲義師時鄱人皆知大府之以饒爲弃地也紳民悉盡室徙之山中大守謹慮方倚大令辦賊益失其左右手適樂平大令李仁元募本縣驍勇六百人懲辦土匪方蕘事欲率之以援省太守乃稟請量移攝鄱事李大令少有大畧聞賊回竄江西慨然以殺賊自任其攝鄱也有以江撫與鄱令同年預爲之道地豈有人弃而我取者大令曰鄱之與樂一也門戶之不守而局促于堂奧間其能免于遂抵郡中受事及賊將東竄沈大令回任太守乃趣之回樂平大令曰人以沈令爲嫁禍于我

今見其心矣我若去之人其以我爲負友也卒不去是日賊舟過康山太守大令登芝山而望之勢如匹練沈大令謂賊虜民船皆易以新帆帆皆一律洋布乃整隊待之漏初下有泊岸之舟至簫聲悠揚大令曰此楚歌之先唱也亟開炮沈之其他皆游弈而逸時天雨兼旬湖水泛漲饒城三面皆水賊至則背水而陣賊以舟師扼之故敗焉十四日辰刻賊船銜尾而進兩令營于高門施放連環鎗炮沈其舟二詎賊分三路齊進其至東門者悉舍舟登岸兩令移兵東趨與之巷戰沈大令首先斫斃黃衣賊目一人懸其首于高竿上李大令率樂平之勇繼之前後斃賊十

粵氛紀事

卷之六

八

餘人是時賊四面圍寨寡不敵衆李大令方酣戰間被賊自後以長矛貫其胸墜馬踣地而絕沈大令左臂中創勇亦潰散乃策馬奔赴漕倉縱火而所積柴荻陰雨漬溼大令創重不可忍人皆傳其自北門出赴省請援越數日始得其尸于深巷胡氏空宅中其中衣上皆徧刻鄱陽縣印信預爲委骨沙場以此示徽志也是役也漕倉待運之米除撥付九江外仍存萬餘石又倉穀數千石賊虜居民春播以給軍精又分遣小艇搜括沿湖村落待浮梁樂平竄回始行退出凡踞郡二十餘日 二十一日賊分股竄樂平由萬年之石鎮街經過以萬年縣去鎮四十里河道淺

盜故不入然鎮中爲一邑之菁華自典商以下皆有賂遺
賊遂將各店舖封閉以待自樂平回二十四日賊至樂平
則土匪已先倡獻城之議文武員弁先期走匿土匪踞其
城賊至遂指示其倉穀漕米所在助運入饒賊又上行數
十里至德興之螺絲埠輓舟以受德人之賂也時婺源方
戒嚴樂平沿河之梟匪欲邀之以報爭權之仇浙鹽私販
灌入淮界
而賊以與浮梁土匪有約不果順流而下樂平有告歸提
督汪道成爲土匪所掠其子汪茹鑑在省聞難歸謀帶勇
赴勦而賊已退欲倚勸捐緝土匪乃捏爲賊抵城下擊退
規脫處分既因代理張某恆怯不任事中悔之嗣聞李大

粵氛紀事

卷之六

九

令一門赤族之禍以同官不能庇相與製白哈迎大令極
于鄙號泣載道以耻之捐輸之局一闕而散初大令殉難
之計至樂平值土匪四起大令之母及妻妾妹婢媪等次
第吞金投鏹縋井而死時則大令有不肖家丁勾土匪爲
外應乘危搜劫大令箱笥大令之父及其弟奔告縣中代
理張某不能治獲匪二人割其脚筋而縱之越數日賊至
大令之父及弟匿于本衙門書吏宅中土匪偵知之以告
遂遇害樂平紳民聞而悲之又感大令生前拏辦土匪之
德政故以此示向背也樂平與浮梁交界而中隔一嶺水
道不通賊仍回郡舟過石鎮街典商率各舖戶犒師備米

一千石錢二千串運送至郡遂罷擄掠復向典商取布衣
襦袴之屬二千餘件遂回饒餘干之民聞而兇懼亦自城
二局中借撥米千石錢二千串大張餘干縣進貢旂幟送
入郡中縣令掩耳盜鈴弗敢禁也 八月初六日賊竄浮
梁先過景德鎮鎮中爲商賈輻湊之區都昌窰戶爲之領
袖是年夏賊方圍省有浮梁都司謀于謝大令 方潤 欲以
鎮上釐稅爲團練之資于是都昌會館之董事請首任之
因召募浮梁樂平之勇八百人藉以苛派各商從中乾沒
大令都司方倚以辦賊悉優容之初不意倒持干戈而授
之以枋也賊方在郡都昌會館人赴郡陷以鎮中之利遂

粵氛紀事

卷之六

十

戒師期歸則脅各商人贖錢具犒皆唯唯如命詎八百人
內應之師實藉以爲乘風分劫之計迨賊至則飢鷹皆以
飽颺而賊無所得賊怒欲殲其渠乃導之陷城又分股入
浮樂祁婺四邑交界之鄉肆其虜掠不意賊首入李村村
人荷戈拒門刃其賊目懸尸于樹上賊益怒于是都昌會
中之匪請任報復助賊反攻焚掠無算遂以越日長駢入
縣時大令方謀出城堵禦則都司已先期走行至中途兵
勇潰散大令舁一竹兜子單身避入西鄉紳士家適有都
昌在鄉之土匪聞賊有懸賞購妖之僞示遂縛大令赴鎮
報功賊脅之降大令不屈遂戕焉是役也曹太守 變坤 自

都中歸以前署景德鎮同知寄其帑于鎮上被劫一空避
至西鄉棄得其鄉中之土匪姓名十八人予方調署鄱陽
遂窮治其獄誅其首從九人而李村之役賊自攻省以來
未曾受此重創又殲其頭目一人稍足爲殉城之大令雪
憤也 賊攻省三閱月自馬鎮軍陣亡之後城內守兵益
持重爲堅壁計而城外諸軍亦有奔命之疲當七月初十
日彰武軍出隊攻文孝廣賊營賊堅守不出但于營內牆
上橫排鑿孔施放鎗炮官兵被傷却退復有開化勇縱至
賊營上攙開椽瓦而瓦下貼以木板板上仍鋪著泥沙堅
不可破賊自下投以火罐兵勇焚死者數人時賊方分股
粵氛紀事 卷之六 十一

外竄官兵亦欲藉以乘間休息值江南大營音鎮軍德布
帶兵六百人駐城外賊見城外各營游騎四出虛聲洞喝
乃謀襲其勁者遂于是月二十四日偷劫音鎮軍營官兵
陣亡二百餘人受傷者八十餘人据原奏始而勝繼而小
敗未復轉敗爲勝奉
上諭此次陣亡官兵如此之多則賊勢仍舊猖獗可知鎮
軍以失律鐫職自此之後官兵旣疲賊以因糧于外得算
較多遂亦萌退志于是分股竄饒之賊自浮梁回者皆由
都昌東渡出湖不復回省省中遂于八月二十三日夜全
數解圍去是役也以府陷者三以縣陷者八而九江之役

殿焉中間又值萬安太和土匪之亂擾及吉安太守死之
江右自金聲桓亂後閱二百年此其厄運之再見者然其
禍猶未也

南康殉難 三年五月

知府恭安宗室人

署星子縣知縣羅雲錦陝西舉人

据原奏稱不知去向續經江西學政沈侍郎兆霖查明

奏請查辦江省縛官餽賊之風此其偏首其後高安浮

梁效尤而樂平李大令之眷屬事亦相類若餽賊則幾

徧于一省矣另有事畧詳之府縣之死則都司某自賊

粵氛紀事 卷之六

七

營逃回述其遇害甚慘都司亦以汙受偽職奉

旨正法

省城禦賊陣亡 六月

江西九江鎮總兵馬濟美雲南建水人同姪馬炳南先後

陣亡

詳事畧中

高安殉難 七月

知縣胡光輔浙江德清舉人

詳事畧中

候補知縣沈秉鏐之妻妾媳女僕婢等一門同殉詳施夫

人殉難事畧中高安官幕眷屬之死者甚多沈氏一門其最烈者婦女死節多谷部請卹而沈大令在省守城亦相繼以憂死故其一家殉難未得專奏也

鄱陽殉難 同上

同知銜鄱陽縣知縣沈衍慶安徽石埭人乙未進士其家人高姓同時陣亡

署鄱陽縣樂平縣知縣李仁元河南濟源縣人進士具詳事畧中

以土二大令据原奏請在殉難地方建立專祠值予調署鄱邑乃于郡城書院旁建二忠祠詳請以從難家丁

粵氛紀事

卷之六

三

附祀在案又据宋光祿晉奏請加贈賜謚並入祀京師

昭忠祠未知部議允行否

原任饒州府通判王煊字山西太平縣人同妻妾子皆遇害

查通判任饒州以奉差解 皇木入都行至中途被劫
參撤在省其眷屬皆在饒郡通判聞變急回本任遷其
帑舟行過角山賊以小艇追及之搜得其公服指以爲
妖通判不屈遂與其妻妾抱子赴水死予調署鄱陽奉
檄查明詳請奏卹在案其妻妾姓氏則忘之矣

鄱陽縣幕徐某之妻及其妻之母

徐浙江人失其名客死于饒眷屬羈郡中其妻聞賊至懼受辱乃與其母相繼投井死遺二女俱幼有代理縣幕撫而歸之

樂平殉難

同上

知縣李仁元之父母妻妾胞弟胞妹三人僕婢等先後自盡遇害

詳大令事畧中其母妻妾妹三人皆聞大令之訃值土匪充斥懼不免乃次第吞金投繯而死次日又二小妹暨僕婢等投井死此七月十八日事也二十四日賊至大令之父同次子避于本衙門書吏宅中土匪導賊而入父子遂以罵賊不屈遇害大令得

粵氛紀事

卷之六

十四

旨另建專祠于樂平其殉難之家丁著一并耐祀等因樂平紳民自鄱陽迎大令柩歸合其一門葬之城外建祠于埏道前其後團練禦賊必先祭大令奉其木主以出具見遺愛在民也

浮梁殉難

八月

知縣謝方潤河南祥符人辛丑進士

詳事畧中此案迎賊者在鎮縛官者在西鄉然皆都昌人其縛官之十八人則湖北一人而已予承讞是獄雖縛官之謀鎮人不與而大令之死則迎賊者從而下石

焉爰誅其首二人戒始禍也縛官之匪獲十人而誅其七例弑逆也

附記吉安樂平土匪事

是年七月間賊攻省城逸入瑞州于是吉安屬下萬安泰和之土匪乘間而起始自泰和有妖匪以左道惑民自言有符訣之術能揮扇以避礮結黨五六百人遂入縣中劫庫放獄犯縣令不能禦避而走匪遂踞城連陷萬安安福等縣裹脅日多遂謀窺郡中時王大守本梧任吉安賊聚于永和舖去城三十里遂沿途劫掠直抵城下有欲爲重閉之計者太守曰土匪日多一日急擊

粵氛紀事

卷之六

五

之則可以禡其後至之魄所謂形格勢禁則自爲解者也乃督勇開城內堵外勦賊敗而逃太守督兵追之三十里火礮已盡有伏賊自旁衝出太守發鎗不中賊遂直前刺之與其屬照磨死焉是時賊滋蔓南贛間上猶縣丞亦以追賊死會羅方伯澤南統楚軍赴援遂克之四年正月樂平土匪作亂初賊竄樂平土匪先期虜掠遂踞城其最橫者爲毛姓之匪聚族依山谷間煮硝鑄兵欲爲負嵎之固乘賊至數窺伺縣中汪提軍之被劫也毛姓有力焉時有署樂平縣丞趙泳者在省以囊聽不實撤回本任舟過鄱陽會同太守收復饒郡遂之樂

平賊去之後紳士倚以緝治土匪頗著勤能是時沿河之匪皆懼而散惟毛姓屢以拒捕得志恃險爲巢踰年謀再擾縣城時署令陳薰初蒞任與貳尹及紳士謀先發制之值德興大令以抗糧一案請兵于郡中太守許發勇助勦其來往必過樂平于是縣令稟請留緝計那勇自德興班師將抵縣密約會勦貳尹及城守外委請率本營及汪主事團練之勇爲先驅外委欲先以虛聲洞喝之乃率領營兵入其巢穴恃大兵之在後也初脅之降毛姓曰是給我也遂傾巢出外委寡不敵衆遂被戕貳尹中途聞難急趨郡勇赴之而郡中帶勇之經歷粵氛紀事

卷之六

六

某偵知毛姓拒捕繞道避之貳尹固請不應乃奮身向前率團練之勇與之再戰不克遂中鎗子死某經歷逃至郡中則樂平稟報戕官之疾置至矣省中發勇會同饒郡文武勦辦某經歷隨太守至樂欲以羈縻竟其事陳署令供億軍需賠累巨萬而土匪之巢穴不掃僅由紳士縛致匪徒八人梟之于市較之前年浙江查辦鄞縣戕官之案益弛縱矣樂平抗糧拒捕之風自此始不可挽也

吉安殉難

八月

知府王本梧號琴仙浙江鄞縣人乙酉拔貢

府照磨謝時霖順天人

上猶追賊陣亡

同上

南安上猶縣丞黃文楷福建漳平人

外委吳寶麟

据原奏追賊遇害未知此股之賊由何路竄入

樂平殉難

四年正月

署樂平縣丞趙泳

署樂平城守外委楊凱

粵氛紀事

卷之六

七

粵氛紀事卷之七

謝山居士輯

全楚掃氛

嗚呼自粵逆之回踞潯皖也而楚北再陷水師之挫于淦城也而楚北三陷九江之關繫于鄂者詎不重于江右哉當其全股東下不留一兵一矢于潯賊之貿貿甚矣豈意江既偷于處堂之安楚亦嫌其越俎之代以致三月之久一箸未籌一旦賊得建康欲建僦而控制之于是虞虢交戒于亾寒戎晉遂成其犄角故鄂省一失而江湘淮泗之間皆不得甯焉曾侍郎以一旅之義師擇人而任之遂一

粵氛紀事

卷之七

一

舉而摧湘岳平武漢長驅東下卒困于潯陽非其用兵之難蓋賊之先據戰地而預爲其不可勝者則主客勞逸之勢殊焉耳維時胡泳之中丞以監司驟擢專圻自潯赴鄂陸軍任之羅李水軍任之楊彭遂竭百戰之力而克之可謂失之東隅收之桑榆者矣乃中丞以爲潯陽不克則全楚未能一日而高枕也乃集水陸馬步之卒數萬人不謀于江右徑造潯城下踰年克湖口奪小孤山賊失其馮江之險然後以陸軍碁峙于南北兩岸設長圍而攻之又踰年始克九江雖東下之師賊踞皖以制其要脊不免挫于桐城蹙于三河卒覆于官亭長城之西路未能投鞭江淮

而拊其背然是時全楚晏然固已有備無患矣論者謂自皖之鼠鄂不須渡江其勢更易然備其一路與備其三路相去徑庭且賊之乘我以不備者水師也自侍郎在長沙募水勇治船炮則賊之橫行江上者稍斂武漢田鎮之役皆以水師居中排擊而下東西兩岸之陸軍分路兜勦其水師所過悉用火攻則其商賈民船之虜脅者不啻拉朽摧朽然後兩岸之賊不相援應是三面之勢我據之矣賊計不得逞乃謀挫我水師又易而爲陸路之竄楊制使統重兵自北來不能扼之于黃梅廣濟一路此則非侍郎之明所能逆覩也然自侍郎水師之治則各省之沿江沿湖

粵氛紀事

卷之七

二

者皆能效之于是賊自四年以後悉用陸路之師而其悍莫甚于六年春石逆由撫饒竄入徽甯與三年楊逆武昌東下之役其梟視狼顧大畧相同乃兵法乘勞卒被張鎮軍邀之于秣陵關喪其所得過半是則陸路非其全勝之算而水師之扼不可謂非中流之一壺也已予觀于四五六三年兩楚用兵卽江右亦因之岌岌然皆取道入東之路而非楚之以江爲壑也至于楚氛漸弱則楚撫分兵以救袁鄂撫分兵以救瑞迨九江湖口既克賊遂無所寓其足而江右亦幾爲之肅清考其本末江無尺寸之效于南北之鄰而陰受其庇然則各省用兵使皆得如兩楚救災

恤鄰不存畛域之見者則東南之民之庶幾有多歟

三年秋八月賊解江西之圍再竄九江府陷之遂踞其城以通長江上下游之路時湖北戒嚴新任湖廣總督吳

鏞鄂撫崇綸

奏請調派水陸各軍扼之于田家鎮及黃州

漢陽等處 九月賊陷興國州以舟師進襲田家鎮時楚

北督糧道徐

豐王

漢黃德道張

汝瀛

督兵由陸路抵禦值

東南風大作賊乘風上泝我軍用炮擊沈其舟師數艘而

賊更分大隊由陸路自後抄襲官軍營盤我軍水陸受敵

遂敗兩道皆死之時則江中丞

忠源

聞九江之變督兵援

鄂江面梗塞乃由陸路前進至田家鎮七日而破楚勇之

勇氣紀事

卷之七

三

從征者以無舟楫渡江大半落後是時中丞已奉撫皖之

命奏聞

上以其援救不及鐫級留任並飭迅赴皖撫新任以廬州

之圍故也賊既破田家鎮遂進陷黃州府知府金

雲門死

之又連陷漢陽府知府俞

舜欽

力竭赴水死時鄂省守禦

方嚴而賊之在皖者謀并力以取合肥賊遂破漢口鎮悉

載其輜重還師入皖

四年正月賊由皖再入楚北十五日復陷黃州府時吳制

使

文鏞

由鄂省督兵而下迎勦失利與副將德

亮

同時陣

亡賊遂踞焉 二月賊分股陷黃州府屬之麻城縣遂擾

及河南連界之光州固始豫省督兵擊退回入黃郡三陷
漢陽分陷黃陂孝感通城沔陽等各州縣 三月十一日
賊陷安陸府時

上方授荊州將軍台

湧為湖廣總督湖北學政青磨為鄂

撫以其在學臣任內守德安有功也台制軍駐師于德安

越日賊竄德安府至南門外二十餘里制軍聞警帶兵自

北門出武勝關安陸大尹萬成被執不屈死之賊遂陷德

安踞焉連陷京山雲夢應山等縣及隨州西南震動時新

授荊州將軍官文督師堵勦賊自應山竄陷當陽縣荆門

州西撲荆郡值雲南奉調援楚之兵行抵荆界道梗不前

粵氛紀事

卷之七

四

遂告奮勇請助勦于是有臨元鎮標下千總畢金科率同

行鎮兵二百人禦賊于安陸天門縣之丁司橋賊大敗而

退 是月賊分股陷通山縣知縣陳景雍死之 四月賊

陷荊州府屬之監利縣西竄宜昌府二十一日陷之宜昌

之歸州巴東與蜀連界時賊已遣人窺伺西川經巴縣知

縣緝得奸謀六人誅之于是夔巫戒嚴 賊之竄楚也分

水陸兩路其至漢陽者于三月乘舟南竄湖南之華容縣

遂進陷岳州府踞焉四月賊陷甯鄉縣時湘鄉禮部侍郎

曾國藩

奉諱家居得

旨督辦防勦禦賊于甯鄉之靖港不利退回長沙收集潰

兵而湘鄉之義師起湘鄉有羅茂才

澤南

者年四十餘尚

困諸生中二年賊竄楚南甯鄉瀏陽醴陵等縣所過摧殘

惟湘鄉以茂才團練勁旅入保縣中遂不受擾三年豫章

之役與其同志之李

續賓

督帶湘勇在吉贛一帶克復安

福縣奏獎在案歸值楚南無事散其部伍適侍郎同在里

中謀勤王起義茂才慷慨自任簡其鄉中之驍健者得數

千人而是時有升用副將塔

齊布

忠勇冠諸軍與士卒分

甘共苦能得其死力侍郎乃以陸路之官軍任之塔將鄉

勇任之羅李二紳自治戰艦募水勇四千人又咨調廣西

升用道李

孟羣

增募粵勇千人以圖東下時則岳州之賊

粵氛紀事

卷之七

五

自甯鄉南竄以舟師夜襲湘潭陷之方據船豎柵以窺省

會侍郎親督鄉勇會同官軍水陸夾勦鏖戰三日克之賊

既敗走復陷常德府及龍陽澧州等處折回岳州時郡中

之賊毀橋斷渡官兵攻之三月不能得手塔羅兩軍追賊

回卽謀會水師援岳侍郎與李觀督戒師期方登舟北勦

而鄂省失陷之疾置聞矣 六月初二日賊陷鄂省湖北

督糧道兼署臬司李

卿毅

死之初賊陷漢陽攻省日急城

中糧餉道絕援兵不至撫鎮之師皆駐城外聞賊至相率

奔城走惟臬司督兵守保安門禦賊不克回至行署遂縊

焉鄂撫奏稱在武勝門外督戰見城內黃旗皆出土匪內

應兵勇潰散欲爲移師就餉之謀遂由荊州繞道赴湖南
上以其越竟遠避傳

旨命荊州將軍就地正法曾侍郎自長沙起節行次萬石
湖李觀督之家丁以其父凶問告時觀督統領水師前營
呈請解職仍隨大軍進勦以收父骨而雪不共之仇侍郎
不許奏請以墨經從戎仍督領前營水師刻期赴岳 七

月侍郎及塔羅兩軍攻岳州克之賊之踞岳者皆百戰精
銳之師塔羅統陸軍先期至擇據戰地伐謀攻心時楚撫
駱秉章 亦調派鎮道等統帶習船炮船與侍郎水師先後

抵城下陸軍比船而渡初三日大敗岳州之賊克之賊乘

粵氛紀事

卷之七

六

風下竄楚軍督舟師窮追遇賊于城陵磯賊乘風左右包
裹全軍覆沒鎮道等皆死之賊乘勝再犯岳州官軍水陸
分禦三戰三捷斬其僞相曾天養連毀賊營二十三座其
餘黨散處湖汊間又經水師搜捕焚其艘千餘楚南爲之
肅清 閏月水師進扼金口塔羅兩軍由陸路進勦崇陽

通城凡十三戰皆捷連克復嘉魚蒲圻咸甯等縣 八月

官將軍文統荊州兵來會侍郎及李觀督統帶水師各營

先後並集乃謀進攻武漢塔軍門先統陸軍由油坊嶺進

扼東門外之洪山侍郎籌定沿江三路齊下之策羅觀督

一軍會荊州兵攻東岸花園賊營本省之副都統魁 玉總

兵楊昌泗一軍攻西岸蝦蟆磯賊營水師自大江中路衝

擊而下燒鹽關之賊艘二百餘號于是東西兩岸之陸軍破其木城磚城轟其牆內之賊賊潰而走遂縱火焚之日已西下李觀督乘勝攻破漢關賊營始收隊回泊沌口

二十二日觀督統前營兵西渡駛過賊舟焚其口內之船先攻漢口鎮回軍攻漢陽府皆克之于是省河上下之賊船及武漢城外之賊壘焚覆一空次日我軍水陸攻武昌賊已于夜分開東北門逃竄猶留悍賊數百人拒守西門城上官軍用炮轟擊漢陽望山兩門城潰各路兵勇乘堙而入遂克之時則城西之賊望風而靡官軍邀截掩殺者粵氛紀事 卷之七 七

无算其自東北逃竄者則塔軍扼之于洪山一路被殺及溺死于沙湖塘角者二千餘人又救出難民之幼童數百人官軍入城則城中地雷火炮之伏發者尙數十處于是侍郎爲李廉訪發喪觀者如堵 九月陸師克復大冶縣時賊之踞潯者恃上游之武漢以爲屏蔽既不得逞則思保蘄黃以爲外援乃亟飭下竄之賊無過田家鎮一步于是仿吳人鐵鎖橫江之法而變通之乃于田家鎮之下游遙對南岸之半壁山相爲犄角而繫之以鐵鎖江之中比船扎簿而承之節節鈎聯鈐以鐵馬其逆首踞田家鎮又分遣悍賊踞上游之蘄州以爲策應南岸之半壁山亦有

萬人守之于是官兵既克大泊乃與水師合謀先奪半壁山以爲戰地 十月塔羅兩軍大戰于半壁山自初三日至初五日賊之護鐵鎖者冒死抗拒我軍屢戰敗之先後殺賊近萬遂斫斷其鎖奪而踞焉時水師已抵蘄州之下游十二日進扎見峯嘴去田鎮不及十里水師統領密登南岸與塔羅共商大舉破賊之策議合兩軍專攻其南岸則其北岸之賊一聞鐵鎖全斷不戰而自潰也計其時南岸所斷者不過鐵鎖之根而江上船簿之承護者如故賊又續繫其鎖于山之下去山十里曰富池口連營三座守焉十三日辰刻水師叅將楊載福同知彭玉麟統領左右

粵氛紀事 卷之七 八

兩營自見峯嘴循南岸急槳而下疾趨半壁山前焚其船簿賊不敢復護鐵鎖乃載以紅爐巨斧先椎鐵馬再斷鐵鎖于是節節皆碎時鐵鎖以下賊擄民船四千餘艘捍蔽下游我軍駛三板舟追賊至鄔穴龍坪回師溯入上游遂將其四千餘號之船縱火焚之方謀攻北岸而田鎮之賊已潰而走遂克之其蘄州踞城之賊官軍爲其所襲陣亡兵勇數十人猝聞下游之敗奪其所恃亦于十四日宵遁遂并蘄州克之陸軍又乘勝克復廣濟黃梅等縣與水師會于潯陽 十一月侍郎督水師東下塔羅兩軍肅清江之北岸遂渡江會水師敗賊于梅家洲克湖口時粵賊踞

潯一年有餘掘濠起塹周以土城預爲其深固不援者以
守之至是聞上游失勢益謀重閉官軍知城堅不可驟克
乃謀設長圍斷其餉道于是塔軍營于南岸羅軍營于北
岸水師居中控馭賊相持兩月城中食盡方謀開城皆遁
我軍重重圍裏欲乘其敝而取之賊勢飛走俱絕乃設計
自上游載小艇混入我軍中十二月二十五日中軍夜鑿
賊偵知主帥坐船寄旋之處遂攜帶各種引火之具紛紛
拋擲須臾中軍火起陸師援救不及遂潰焉侍郎退至塔
營餘船退回鄔穴一帶李觀察統水師後隊急漿上泮欲
扼其竄楚之路而賊已潛師夜襲北岸大營遂由陸路竄
粵氛紀事 卷之七 九

熾矣

五年春正月兩湖總督楊

需

開潯陽水師之挫督兵禦于

廣濟而賊已陷黃梅縣亟遣叅將劉

富成

扼之于車坊舖

是月晦賊全數由黃梅竄入舖中叅將敗績賊追之于荆

竹舖去大營三十里 二月賊謀襲制軍大營川兵及河

州兵迎勦不利紛紛潰散時大營兵勇不滿三千人制軍

督隊空壁而走賊追之急行抵山隘制軍走入隘中得免

賊回軍攻廣濟制使遂由西河駙退守德安賊偵知大兵

已潰沿途裹脅遂由興國通山沱口塘角等處直竄漢口

渡江攻武昌時前湖南衡州府知府陶恩培以二年守衡

有功洊擢監司上年鄂省收復之後

上擢授爲湖北巡撫到任未三月而難作省中凋敝之餘

兵餉兩乏賊又以倍道疾趨破大軍于中路益猖獗不可

制是月十七日鄂城三陷撫軍及武昌知府多山死之時

胡觀督林翼及李觀督孟羣皆從曾帥在潯胡升授鄂藩

未蒞任奉

旨署湖北巡撫李升署湖北按督使調集水陸各軍先後

赴鄂則省垣已陷制使自廣濟兵潰欲回德安收集而挫

衄之師不能復振也三月賊由鄂西竄德安陷之制使

粵氛紀事

卷之七

十

以防守襄樊爲名由隨州退至棗陽于是襄鄖一帶相率

戒嚴時

上方飭陝西西安將軍扎拉芬統帶陝兵前赴襄陽會同

進勦而賊已疾趨入隨矣四月十三日陝軍行抵隨州

界值德安之賊分股由該州之平林市徑撲州城扎將軍

督師進勦遇賊于五里墩探聞制使在棗陽遣人告急不

應西安副都統常亮督帶馬隊在後逗留不進大兵被圍

麾下游擊力竭陣亡將軍中傷裹創督戰始將該匪擊退

旋因傷重没于行陣

上以該督坐擁重兵近在數里之間不能迅速救援反催

調相去較遠之知府前往接應有心貽誤奉

旨褫職仍留軍營効力遂

簡任官將軍文為湖廣總督以代之又

授察哈爾都統西凌阿為欽差大臣統馮官屯得勝之兵

前赴楚北督師時則漢南軍事官制使獨任之胡李二軍

會同水師專勦武漢協力和衷軍威為之稍振先是正

月間賊分股北竄經荊州左翼副都統貴臣統帶滿營官

兵扼之于岳家口擊賊敗之旋因窮追遇伏官兵失利全

軍覆沒除文武員弁陣亡外續查戰沒之兵丁共七百七

十名內有文武舉人及各品軍功翎頂等七十三名二月

粵氛紀事

卷之七

十一

間賊分竄黃岡羅田等處署黃岡縣知縣翁汝瀛羅田縣

知縣彭仲芳督帶團勇勦賊皆力竭死之其賊之踞通山

者逸入于湖南界時湖南臬司魁運防堵岳州適前江中

丞之弟忠濟自皖送其兄櫬回籍遂帶團勇助勦于三月

二十二至二十七等日連敗之又有崇陽分股自通城縣

竄入岳州府屬之臨湘界縣中文武員弁禦賊不克皆死

之復經江司馬率勇迎勦值楚撫派兵策應賊始敗退復

回崇通等處岳州遂完四月二十六日官軍進攻武漢

副將王國才攻漢陽西門鄂撫親督大隊攻其南岸皆敗

之時記名知府彭玉麟率水勇助戰殲其逸賊三百餘名

復經岸上兵勇圍勦鮮有脫者攻鄂以來惟此戰有力焉
水陸之師漸逼城下矣 五月初十一等日武昌之賊
直犯金口復有下游另股循江上竄李彭二軍分路堵剿
凡水陸四戰皆捷十五日賊糾大股萬餘來撲我軍鄂撫
派兵分投六路禦之賊勢稍却又經我軍設伏抄擊其尾
遂大敗之乘勝追奔三十餘里十七日賊在紙坊地方扎
營官兵追及之適南風大作我軍鎗炮著入賊隊焚其二
營賊潰奔入城中官軍追及于小東門外遂乘勝疾趨紙
坊金口犄角爲營鏖戰兩日營壘遂定 六月應城縣知
縣王培厚雲夢縣知縣吳乘武漢大軍屢捷賊來往應
粵氣紀事 卷之七 五

援懈不設備兩令遂率團練之勇乘虛而襲之賊皆潰逃
二城收復賊之在武漢德安者稍稍中梗 七月西帥大
軍潰于德安方帥之督師而南也

上飭其專辦德安以固襄樊之守且戢其北竄之路至則
統大軍營于城之北未經接仗突于初二日城中之賊分
股竄撲三陂巷等處官兵分路迎擊賊由兩旁抄過徑襲
大營弁兵傷亾潰逃者過半其在營抵禦不及力竭陣亡
之武弁十餘人是役也與廣濟兵潰之情形大畧相同幸
馬隊預爲收集挫折較少時

上新授荊州將軍綿恂幫辦軍務至是以調度乖方與西

帥同革職留任其首先潰逃之游擊守備奏請治以軍法
提督孔廣順亦以應援不力褫職留營効力贖罪 是月

賊竄入蘄水蒲圻等縣皆被該縣督同城守鄉團擊敗而
退先是官將軍調派兵勇敗賊于漢川之分水嘴毀其營

壘又堵勦襄河竄匪敗之于鄢家灣等處于是漢上之賊

斷其外援本月十五日官兵進攻漢口鎮水師統領彭玉

麟先以長龍炮船毀其漢口之浮橋遂乘勢衝出大江會

合鄂撫大兵水陸並進民勇同時接應殺賊無算遂將漢

鎮克之又渡河追至漢陽毀其東西門外之土城撫軍親

冒矢石轉戰至龜山十六日督軍攻漢陽府又毀賊卡及

粵氛紀事

卷之七

三

土城殆盡維時升用知縣李保邦乘勝疾趨漢川賊閉城

拒守適總兵魁玉督催後隊兵勇雲集遂乘勢登城而入

該逆力不能支開東門竄走我軍追之二十里遂克漢川

其德安之賊亦經官制軍屢敗之東西兩路之賊迭經挫

衄又將設奇以邀我矣 八月初八日官軍麥山大營潰

巡撫關防失焉方賊匪圍撲麥山營盤鄂撫分飭官軍奮

力抵禦不克全營潰散有巡捕從九姚福山聞變亟將關

防突圍懷出繞道馳赴上游遇賊被劫而護印官之生死

及失印地方之遠近不明也續有武弁在內湖蕭家廬遇

賊數十人在彼劫掠某弁率勇攻勦殺十三人搜檢贓物

則銀印在焉柄已椎斷背面亦經殘毀赴營呈繳撫軍自請嚴議並將原印咨繳禮部重請鑄發

上飭將首先潰散之弁兵查明正法一面收集潰師以圖後舉 九月初九日官制軍督兵自南路進勦德安先遣

黎澆顏

朝斌

預約北路西帥之兵會合夾攻南路之帥獲

全勝焉凡殲其援救及暗襲之悍賊近千人初十日西帥派馬隊自北路夾攻追賊至河橋城中之匪堅閉不出十一日賊以二千餘人自東北挑戰又分股抄擊其旁幸馬隊預爲之備得不敗十六日賊自東西北三門分路來撲我軍步隊當先賊乘其未陳而擊之遂潰焉西帥手斬數人迄不能止賴管帶馬隊之協領轉戰而前賊勢始却十八日南路之賊來撲我軍營盤制軍派令叅將顏

朝斌等

身先士卒鏖戰踰時值北路馬隊亦來接應分投迎勦遂

大敗之

上以南軍屢捷而北軍步隊不整若非馬隊之力則全營一失措手莫及時提督孔

廣順

託以受傷不親督陣遂幾

喪師

上怒著卽革職拏問西帥亦以調度乖方爰

授官帥爲欽差大臣節制南北兩路之師 是月賊又分

股竄踞長江埠及侏儒山等處初十日由該山竄至沔陽

粵氛紀事

卷之七

酉

之周家帮地方大肆焚掠副都統魁玉聞之派都司文瑞

等馳往堵勦賊直前衝入我軍施放連環炮彈賊始潰退

復有另股匪徒從湖邊繞出抄襲我軍值副都統親督兵

勇趕到三路夾攻遂窮追截殺及逼入湖中淹斃多人賊

始退回侏儒山方鄂事之棘也鄂撫求援于曾帥欲分

塔羅駐潯之一軍以援楚而是時江右饒廣腹地被擾已

派羅李兩方伯統湘勇赴援九江則以塔軍之進退繫數

省之安危遂不果既而兩方伯勦辦廣饒事竣謀合兵攻

九江卽以救潯者援楚不意江之西路義甯州告陷江撫

遂奏請移湘營援之曾帥及塔提軍皆不懌胡撫軍聞之

粵氛紀事

卷之七

五

大喜喜鄂之庶幾有豸也蓋是時悍賊皆聚于崇陽通城

等處土匪募羶附之于是步步爲營瀰漫山谷間以爲武

漢犄角之勢撫軍以爲外援不斷則堅城未易下也乃奏

請飭羅李一軍由甯州順道勦辦九月初五日羅李兩方

伯統湘軍抵通城兩楚官兵皆會遂以越日分三路進攻

羅方伯居中指麾直搗賊巢乘堙而入克之乃移兵攻崇

陽崇陽之賊密約通山爲外應爰派李方伯帶勇邀截

之遂分遣精銳之師銜枚伏城下夜分遣敢死士數百人

雲梯火具皆備城潰伏兵一擁而入遂克之時賊方踞蒲

圻縣中預分股會崇通敗匪扼之于羊樓洞方伯先調派

參將彭

三元

統前隊深入洞中而自以大兵繼其後不意

是月二十四日逆首石達開自楚北來繞官軍三匝參將

及知州李

杏春

力戰死之方伯統全軍赴援賊始敗退乃

駐師羊樓洞中 十月初二三等日湘軍會楚北之兵謀

攻蒲圻石韋兩逆自縣城分路來撲我軍三戰三捷然是

時石逆方謀竄江右不復戀戰遂由崇陽東趨蒲圻之賊

不能守我軍遂乘機克之 是月初三日官制軍克復德

安時南北兩軍晝夜環攻欲乘其勞而襲之更番挑戰賊

屢敗遂堅閉不出是日兩軍分三路進攻賊之外援已絕

謀開城宵遁官軍圍之急乃以次日將曙冒雨突圍南竄

粵氛紀事

卷之七

七

官兵遂入城收復西帥統馬隊沿途追勦制使復統大兵

將下窺襄河一帶之匪乘勝搜捕于是綿將軍帶馬隊由

天門縣迎頭截擊孔提軍率兵勇扼之于長江埠新溝等

處自漢川以下漸就肅清而荆襄一帶自此稍安矣 十

一月羅方伯

澤南

李方伯

續賓

統湘軍次鄂營于省城東

門外之洪山 十二月初二三等日湘軍會同楚軍攻省

城外八步街之賊壘克之截殺沙湖之悍賊數百名又攻

破塘角之賊壘二焚毀漢陽門外之賊船廠一十一日李

方伯分兩路接戰于城根斃賊千餘又伏兵截殺七八百

人十八九等日又毀望山門外之石壘土壘于是賊統大

股自龜山沿湖而下合城內之賊夾攻我軍皆不克遂將
東南兩路之賊壘以次掃盪平之是時水師統領楊載福
率舟師自鮎魚套下口擊沈賊舟二百餘號自初五日至
二十日亦斃賊千餘水陸之戰此爲最捷初塔軍門卒于
潯鄂賊不知也軍門麾下之舊將王國才等張其旗幟賊
初憚之故敗既知其死乃合通城崇陽一帶之敗匪犇入
鄂城復謀堅壁之守

六年春正月賊于城外之長虹橋一帶增築營壘我軍晝
夜環攻使不得休息賊小敗則閉壘大敗則閉城凡相持
者兩月三月初二日賊分路來撲我軍營盤官兵設伏以

粵氛紀事

卷之七

七

待之殺賊數百人賊潰退入城羅方伯自統大軍追至濠
邊城上鎗炮如雨方伯中創鼓音不絕城扉旣闔始收隊
回鄂撫視之則血漬衣帶猶指陳戰狀以未能尾賊入城
爲恨越五日遂以剝重卒于軍屬續之頃言不及私唯以
賊踞金陵則武漢爲必爭之地此東北兩路大關鍵也

夏四月水陸兩軍皆捷先是賊于上月之晦自保安武勝
兩門分路而出李方伯統陸軍迎勦殲斃及生擒者共五
六百人水師乘勝攻沿江之兩岸自初八日至十六日賊
被擊入江爭舟之指可掬乃縱火焚之二十日水師擊賊
于江洲遂乘勝下駛直抵潯陽時有另股匪數千由皖之

英山徑撲羅田黃州知府督兵擊退復有潯賊糾合蘄州分股并力上泮值我軍東下遇之遂敗之于蘄界于是武昌之援遂梗五月初八日大兵攻賊于西門不克退攻五顯廟之賊卡毀之是時下游之賊逸入于黃州者仍思冒死上援官帥遣兵堵截六月初九日分東西兩路迎勦遂合黃州團練之勇邀之于阨地

上見武漢之圍不解疑其張虛捷也傳

旨申飭令督撫振刷精神迅飭將弁兵勇實力勦辦不得以小有勝仗藉詞搪塞于是督趣益嚴秋八月官制軍

督同臬司李孟羣分攻西岸之漢陽各門及下游上竄之

粵氛紀事

卷之七

七

賊皆克之時叅將顏朝斌先縱火燒其城外之賊卡十一

日該逆自西門撲出李臬司督師左右抄擊取其首二百餘級十二日夜賊自內湖擁炮船入江又敗之十四日副

將王國才攻西門臬司親攻龜山賊由東南門出昌死抵

拒我軍迎頭進勦陣斬悍賊十餘名十九日下游之賊上

竄夏家畝地方提督孔廣順擊退之賊之謀援武昌者屢

被扼不得上九月水師追擊蘄州田家鎮之賊皆敗之

時賊舟蟻聚下游仍思乘間上竄于是總兵楊載福自沙

口下勦追至蘄州擊沈賊船七十餘隻又分派水軍登岸

誘敵毀其岸上之賊壘三座我軍直抵田家鎮焚奪賊舟

八十餘號自黃州以上江面爲之肅清陸軍分勦咸甯縣克之 冬十月武漢之賊待援不至餉道亦絕屢思突圍

下竄皆被官兵擊敗之是月二十六日水師總兵楊載福

親督炮船分攻東西兩岸之賊敗之于鮎魚套及南岸嘴

焚其賊船幾盡于是鄂撫與制軍謀合力大舉水陸之圍

不使其一面之闕益不虞其獸門而防其兔脫也 十一

月官制軍胡撫軍統水陸之師分攻武昌漢陽兩城同日

克之是時賊之踞城者謀竄不得負嵎死守自初五日至

十五日我軍屢戰屢捷乃謀水陸大舉二十二日總兵楊

載福親督水師十三營分上下游夾擊斷其攔江之鐵鎖

粵氛紀事 卷之七 九

將賊舟焚覆一空該逆勢已窮蹙于是制軍督兵攻西岸

之漢陽撫軍督兵攻東岸之武昌武昌之賊自城中分七

股來撲我軍分投迎勦鏖戰三時士氣益奮逆賊大敗狂

奔官兵乘勝入其鄂遂將省城克復時制使親督員弁攻

漢陽由五里墩進勦值外江沙口之水師並集臬司李孟

羣分攻西南北三路馬隊繼之賊自濠牆內開炮如雨兵

勇數起數伏直抵濠邊副將王國才首先衝上拔其濠籤

衆軍踰濠而入焚其附郭之卡臬司遂督兵一面搶上龜

山踞其戰地一面指麾諸軍分攻各門賊不能支方謀竄

走官軍一擁而入日未西下兩岸之師皆唱凱奏捷矣是

役也用兵之方畧彷彿四年卽水陸諸軍大半東征之舊將而難易不同遲速有異者則以賊之踞海久而外援之勢強也然其制勝尤在于水師而羅李一軍之自江西來及官制使之捍蔽襄樊廊清摧陷之功實始于此是月

二十四日李方伯續賓楊鎮軍載福合水陸之師攻武昌

縣城及黃州府皆克之時水師搜捕巴河之餘匪乘勝東

勦方伯自武昌進攻興國大冶又會同副都統都興阿分

攻蘄水廣濟黃梅等縣所向无不克乃以踰月會合楊提

軍水師敗德化小池口之賊夾攻南北兩岸直抵九江遂

謀并力東下維時楚南方克復郴州桂陽掃蕩南路分派

粵氛紀事 卷之七 二

升用道王益移兵越竟連克復通山蒲圻通城崇陽等縣

于是全楚爲之肅清 賊之竄鄂也楚撫駱秉章派兵防

堵岳州連擊敗巴陵臨湘之賊已見潰退崇通南竄之勢

遂格而是時粵東西之匪分股逸入楚界四年三月間粵

東樂昌之賊由仁化分陷桂陽又擾及桂陽縣之東嶺等

處其粵西之賊自古城西嶺而來攻陷富州遂擾及江華

永明等縣經王觀察會同署郴州知州戚天保等督兵擊

退未幾桂陽之賊復竄陷郴州及宜章縣而踞之又有另

股圍撲臨武縣爲本邑團勇擊退復竄回仁化境是年秋

粵西之賊又攻陷東安分擾祁陽新甯亦經王觀察克復

解圍該匪始潰入于黃沙河又有粵東股匪竄陷桂陽州
分陷茶陵州冬十月王觀督會同江西知府劉長佑同日

克復三州遂進攻郴州亦相繼克之其茶陵之賊被石達
開糾合以竄江西遂與粵西合而爲一然後知當日鄂省
之賊楚兵之過其南竄者障川之功此爲鉅矣王觀督者
楚南之湘鄉人曾侍郎之起義師也觀察有力焉後楚撫
留辦本省防勦遂獨當一面之寄南北分竄之賊蔓延數
郡中又值郴桂交界及耒陽永興嘉禾各處土匪四起繼
以黔賊自銅仁東竄鎮筵經楚兵擊退迫南路肅清分
兵援楚北江西不分畛域是以粵東西之賊熾于楚而復
粵氛絕事

卷之七

三

袁于楚固由堵勦之扼要亦其將將之得人也

湖北田家鎮陣亡三年九月

湖北督糧道徐豐玉安徽桐城人

漢黃德道張汝瀛山東樂陵人辛巳舉人

湖北候選知縣杜文浩浙江秀水人

田家鎮陣亡事見上其杜文浩同時被害續查明請卹

在案

黃州殉難

同上

署黃州府知府金雲門安徽休甯人癸巳進士

荊門州知州李楨安徽宿松人

黃州都司許連城

千總魏開第

把總李成壽

以上皆奏請賜卹在案

漢陽殉難

知府俞舜欽

以上殉難陣亡之文武員弁奉

上諭此次接仗陣亡之荆門州都司等及罵賊被害之署黃州府知府或奮勇捐軀或臨難不屈均堪嘉憫著與前經交部議卹之徐某張某一併交部從優議卹其力

粵氛紀事

卷之七

三

竭自盡之漢陽府知府著照例議卹欽此

黃州勦賊陣亡

四年正月

兩湖總督吳文鎔江蘇儀徵人已卯進士

督標中軍副將德亮

据原奏力竭陣亡探聞副將戰沒制使自馬上投水死

上頗以制使培勦失機著照總督例議卹

賜謚文節

漢陽殉難 三月

署漢陽縣知縣劉鴻庚浙江會稽人辛巳舉人

金口江中陣亡 五月

湖北臬司唐樹義貴州遵義人

据原奏退保金口賊船上犯戰船被焚臬司投江死

湖北省城殉難 六月

湖北督糧道兼署臬司李卿毅河南光州人壬午舉人

此次原奏省城殉難者僅此一人其後始陸續查明呈請賜卹其人數亦尚不少也廉訪詳具事畧

湖北鹽法道曹楸堅蘇州人壬辰進士升授按察使

武昌府知府延志旂人升授漢黃德道

德安府同知寶純旂人在省局

漢陽通判金本棟直隸人

被掠死

粵氛紀事 卷之七

三

揀發同知陳錫純舉人

絕粒死

浙江人

署藩庫大使汪邦慶浙江人在省局

襄陽府同知崇綬旂人在省局

內閣中書林士鈐安徽懷遠舉人家屬遇害

据其家屬呈稱湖北同知

署黃州府未到任在省懷印遇害

大挑知縣勞翬廣東舉人

由大東門總出遇害

揀發州同署武昌府經歷梁坦雲旂人

武昌縣知縣何開泰安徽鳳陽人庚戌進士

大挑知縣楊沛霖貴州舉人父子均遇害

黃陂縣知縣呂錫齡河南新安人

被執不屈死

武昌府同知姜國祺江西拔貢總理局務

大挑知縣陸維翰雲南舉人僕從殉

署鶴峯州判江夏縣縣丞余裕祖安徽人家屬並遇害

大治縣知縣汪榮基安徽舉人

揀發同知許成佐四川蔭生在省巡城

揀發知縣俞恒清順天舉人父子被害

據呈詞俞恒清之
媳聞訃殉節

俞順天甯河人子名植

軍功藍翎知縣羅鳳池廣西廩生

教習知縣單維楷直隸舉人

署興國州知州郭維鏗四川資州人癸巳進士

粵氣紀事

卷之七

十四

以上係六年八月据御史張守岱所奏言四年六月武

昌失守之時殉難員弁實已不少等因奉

上諭除俞恒清已降旨議卹林士鈗已有旨令官文查明

請卹外其餘各員或被執擄掠或絕粒自盡或父子家

屬同時被害殊堪憫惻著官文胡林翼查明實在情形

分別請卹欽此

又查俞恒清先經其家屬呈請稱同子俞植殉難被賊

支解焚尸續于六年俞植之婦崔氏聞信服毒身死與

御史所奏父子被害相符

署督標中軍都司張祺齡

据續查副將景輝奉調渡江勦賊將中軍關防交與張某暫護賊至省力戰陣亡關防亦遺失奏請賜卹並頒發關防在案

湖北荊州府理事同知善濤

善一作靈

据該員之母續呈請卹稱四年六月在省辦理防堵殺賊陣亡未蒙請卹家人李升亦同時被戕等因該員卽前任浙江糧道毓衡之子也

黃岡縣知縣湯景浙江人

覓思忠錄其在地方殉難或在省不可考浙江人官于

各省之殉難陣亡者同祀于觀瀾樓下顏曰昭忠彙祀

粵氛紀事

卷之七

五

湯大令與焉

通山殉難

四年三月

署知縣陳景雍河南商邱人壬子進士

具詳事畧中

安陸殉難

三月

知縣萬成

据青撫原奏稱該令自府署出賊已擁入數十人令罵賊不屈被賊眾刀傷殞命復將其肚腹割開用油燒炙剗取雙眼弃尸北門外其死事最爲慘烈等因

隨州殉難

四月

知府銜知州楊嘉運

州幕友候選縣丞王青綬

生員馬漢祥

家丁桂才練勇沈珍等共百餘人

据知州之弟楊昌運赴都察院呈稱四年四月間在該州九里岡地方追賊陣亡幕友家丁百餘人皆死焉

常德殉難五月

知府景星族人

署武陵縣知縣朱元增江西樂平人辛丑進士

武陵縣丞秦維崧

粵氛紀事 卷之七

庚

副將富勒敦

据原奏守城力竭同時陣亡

署常德同知湘潭縣知縣李春暄

据續查在城巷戰被戕請照例賜卹

湖南岳州追賊陣亡七月

山東登州鎮總兵陳輝龍廣東人

候選道褚汝航江蘇人

運同銜候補同知夏江蘇上元人

廣東提標遊擊沙振邦廣東人

克復武昌陣亡八月

湖南臨湘把總王映軫

据楚撫查明擊賊赴省從曾帥打仗克復省城陣亡

湖北岳家口陣亡

五年正月

副都統貴陞

据原奏是役陣亡滿州官兵外文武舉人及軍功翎頂人員七十餘名另單請卹故不得其姓名

武昌三次殉難二月

湖北巡撫陶恩培浙江會稽人乙未進士

湖北布政使岳興阿

署武昌府襄陽知府多山

粵氛紀事 卷之七

元

河南歸德營守備陶德壽

以上見原奏

湖北訓導邱兆鏞

据續呈請賜卹在案

蒲圻縣縣丞張汝琛

据其子呈稱守城擊賊受傷殞命請飭查賜卹在案

黃岡羅田陣亡

同上

署黃岡縣知縣翁汝濬

羅田縣知縣彭仲芳

据原奏該令等辦團帶勇素稱得力茲以力戰陣亡深

堪憫惻均賞加知府銜從優議卹彭大令另詳事畧中

沔陽天門禦賊陣亡二三月

候選同知林天直加知府銜賜卹

沙湖巡檢吳秉忠加州判銜

衛守備王芳加都司銜

把總潘德新加守備銜

外委楊映春加千總銜

候選訓導項煊加知縣銜

候選從九謝登瀛加府經歷銜

候選未入張汝止加縣丞銜

粵氛紀事 **卷之七** 天

衛千總銜陳炳元加守備銜

從九銜舒占元加經歷銜

沔陽軍功張域等一百十七名

天門軍功汪如秦等四十六名

沔陽陣亡鄉勇劉明廣等八百二十一名

天門陣亡鄉勇趙超敏等三百七十七名

据原奏該州縣屢被賊擾該官紳等督帶鄉團奮勇殺賊地方賴以保全應請從優議卹奉

旨各官均著加銜賜卹其軍功人等交部分別從優議卹鄉勇等同均准于各本境建立專祠所有軍功鄉勇人

等一并祀該勇等家口並著該地方官查明酌卹欽此

湖南勦辦臨湘新墻陣亡三月

代理臨湘知縣候補縣丞姚榮卿

把總林志祺

巴陵縣職員李治濱

童生胡際昌

臨湘生員李文淳

職員袁毓龍

童生王拱平

粵氛紀事

卷之七

五

李克靖

監生余湘重

据原奏義甯崇陽兩路股匪由臨湘小路竄及新墻接

仗陣亡請交部照例議卹

又勦辦粵東西竄匪陣亡三四月

武舉何魁

文生侯東

武生黃騰驥

劉樹暹

六品軍功何皆善

何修善

据原奏粵東西股匪分竄桂陽郴州等處該團練紳士
隨同候補同知王鑫勦賊陣亡武舉請照把總例文生
照從九例武生童生照外委例議卹

又勦粵東竄匪陣亡五月

卽補同知直隸州知州趙啟玉

白沙巡檢謝德慶

据原奏粵東佛山股匪勾結韶州之賊撲入楚界接仗
陣亡該知州血戰捐軀請以知府銜議卹巡檢殺賊陣
亡請照例議卹

粵氛紀事 卷之七

三

湖北隨州大營勦賊陣亡 四月

西安將軍扎拉芬

陝西提標後營遊擊崇普

据原奏將軍統兵自北來遇賊于隨州之五里墩地方
殺賊千餘身受重傷猶裹創督戰將賊擊退遂以受傷
殞命

上特旨軫悼著照將軍例議卹其遊擊係續查明同在五
里墩陣亡請從優議卹

湖北德安大營禦賊陣亡 六月

天津鎮中營游擊蕭濱

忠順營都司伊林泰

直隸提標千總牛萬寶

正定鎮獲鹿汛把總王格

龍國營把總郭采章

倒馬關把總李榮魁

署右營千總蘇富貴

已革叅將張文照

通永鎮經制外委劉綬

左營千總李清藩

署新河汛把總經制外委陳瑞昌

粵氛紀事

卷之七

三

提標左營把總武舉強效乾

據原奏德安踞匪竄撲西安將軍大營該員等在營守

禦力竭捐軀情尚可憫請交部照陣亡例議卹

湖北長江埠陣亡七月

藍翎五品頂帶候選府經歷胡炳奎

四川鎮遠營都司林春萱

據原奏首先冲入賊隊手刃數賊破賊支解剖腹遇害

最慘其林某係在黃孝交界之雞窠地方殺賊被賊矛

刺陣亡均請從優議卹

湖北安陸營守備升任都司葛以敦浙江山陰人

据原奏殺賊捐軀請照游擊從優議卹葛卽壯節公雲
飛之子也其陣亡地方不詳思忠錄以爲在長江埠故
埒于此

湖北黃安陣亡 七月

蕪州衛守備賈瑞齡

据其母遣家人呈稱四年七月帶勇打仗在黃安界中
鎗炮陣亡

湖北漢陽龜山大營陣亡 八月

守備黃開運

康培植

粵氛紀事

卷之七

千總蔡宏元

三

把總王席珍

王席美

外委張輔

童玉廷

陸洪福

全芝龍

軍功王鳳岐

樊四南

何肇昌

据原奏攻克漢口鎮之後大營進扎龜山賊來撲營該弁等力戰陣亡請照例議卹

湖北德安攻城陣亡同上

副將銜升用叅將劉富成湖北東湖縣人

据原奏稱該弁前因接仗失利奏叅革職茲于八月進攻德安策馬冲上弔橋鎮奪賊大旗被鎗子打中肚腹登時陣亡請照副將例議卹

湖南郴州勦賊陣亡八月

郴州從九龍際副

郴州武生龍虎臣

粵氛紀事 卷之七

龍吟

三

把總徐良積

桂陽六品軍功陳月星

据原奏勦賊陣亡請照例議卹

又東安勦賊陣亡七月

把總鄭玉恩

候選教諭周爾溥

据原奏東安城陷罵賊捐軀請交部議卹

湖北蒲圻羊樓洞追賊陣亡九月

叅將彭三元

候補知州李杏春

事見上

又崇陽陣亡

浙江鹽運使經歷吳振鏞蘇州人

据思忠錄稱該員因差赴楚留營三年冬隨江中丞赴皖中丞殉難仍回楚北以四年八月偕林天直克復沔陽州保升知縣後以擊賊崇陽援絕陣亡按此事在四
年五年不可考附記于此

湖北攻武漢陣亡 十二月

守備張福昌

粵氛紀事

卷之七

三

劉高選 以上昭都司例賜卹

千總賀萬清

劉青四 以上昭守備例

把總吳秀珮

羅長慶

王美在

曾旺益

周玉堂

黎天迓 以上昭千總例

外委廖自集

鍾興

胡裕大

王祥元

朱福勝

賀芝蘭

戴有亮

黃復勝

董起隆

以上照把總例

候選從九劉卓岩

照例

六品軍功夏隆吉

粵氛紀事

卷之七

田羣良

朱連明

劉步駟

吳勝貴

以上照把總例

据原奏攻城二十餘日先後陣亡請交部加銜從優賜

卹

湖北攻武昌陣亡

六年三月

浙江甯紹台道加布政使銜羅澤南

詳事畧中

都司周得魁

据原奏進攻武昌被賊炮傷陣亡奉
旨賞加游擊銜卽照游擊陣亡例賜卹

把總賀連城

鄒友廷

文德元

水師哨官朱富源

以上四弁据原奏攻賊于長虹橋及保安武勝門力戰
陣亡請交部從優議卹事在羅方伯陣亡之後因同月
攻武昌牽連記之

蕪州蕪水勦賊陣亡四月

粵氛紀事

卷之七

美

同知銜候補知縣李景湖照知府例賜卹

守備銜藍翎千總張鵬高

楊高柱以上照守備例

把總胡開禮

六品翎頂朱大侃以上照千總例

据原奏賊分股竄入蕪州蕪水等處力戰陣亡請交部
從優議卹

攻武漢陣亡五月

揀發游擊玉山

据原奏請從優賜卹

攻武漢下游陣亡

八月

四品軍功范朝蘭

湖南克復郴州陣亡

十月

同知銜前貴州荔波縣知縣駱承祝

据原奏督辦衡陽團練屢立戰功茲因攻克郴州殺賊陣亡請照同知例議卹

湖北克復武昌陣亡

十一月

千總羅春和

照守備例賜卹

把總曾謀績

彭正興

以上照千總例

粵氛紀事

卷之七

七

外委劉戟

許鏡清

以上照把總例

克復漢陽陣亡

同月

吉林協領德廉

以上皆見武漢捷奏中請從優賜卹其吉林協領係因傷殞命請照陣亡例議卹

增記楚南北勦辦土匪事

二年冬賊破岳州渡湖而北時土匪乘機肆掠巴陵晏

仲武爲首適升用道江

忠源

督帶楚勇過南路經楚撫

奏飭就近勦辦十一月會同總兵鄧

紹良

前赴巴陵分

路進攻先經觀督搜獲匪黨四十四名燒其巢穴遂進兵擊其拒捕之賊目晏七等五十七名其匪首晏仲武均已受賊僞職經都司許連城首先擒之卽時正法遂進勦臨湘蒲圻一帶之土匪以次肅清時徐欽使過岳州以勦辦土匪爲名逗留不進奉

旨褫職

十二月江觀督進勦瀏陽土匪平之瀏陽有徵

義堂者土匪周國虞爲首糾衆踞山中官吏積年不敢捕至是因賊匪東下乘機肆擾遂勾黨攻撲縣城楚撫密檄觀督以防守江西爲名督帶楚勇自攸縣進岳掩其不意而襲之又分兵堵其北路十八盤之險隘遂協

粵氛紀事

卷之七

庚

同本地團練直搗其巢擒獲匪首朱興祥等正法自十八日至三十日迭次生擒並各鄉縛送匪徒共六百七十餘名又臨陣殲斃及鄉團格殺共七百餘名又散其脇從之匪黨四千三百餘戶地方一律肅清

上嘉其戡事之速特升擢湖北按察使

三年春湖北通城崇陽嘉魚之土匪迭起時

上已飭江忠源鄧紹良前赴江南大營湖廣督臣奏稱該臬司所帶楚勇大半留在湖南招集尙需時日請暫留本省俟土匪勦辦事竣再行赴營時則通城之匪糾合崇陽連界桂口匪徒與之掎角三月十五日觀督馳抵

崇陽之桂口地方該匪不意猝至分三面迎拒被我軍分隊夾勦大敗之遂擒獲匪首陳甲子等二十餘名斬馘數百名因乘勝進攻通城通城逆首何天俊聞官兵至入山負嵎乘險抗拒經觀督深入擒其著名之逆匪二十餘人遂將何姓之房屋祠堂悉毀之惟何田俊何後未獲值嘉魚劫獄焚署之匪與之勾結楚督續調署漢陽府知府張汝瀛接辦防勦事務以便觀督交卸起程未及數日而廣濟戕官之獄起矣 四月江觀督順道勦辦廣濟之土匪平之廣濟距江岸七十里上月因該縣知縣查辦蠲緩有未經被擾應徵之都酋希圖一

粵氛紀事 卷之七

五

律豁免遂糾眾擁至縣署分股搶奪知縣蔡潤琛赴郡

面稟經黃州府知府邵綸帶兵前勦並扎調黃梅縣知

縣鮑開運帶勇二百名馳往助勦該匪初約投首旋因

蔡令藉病逗留太守檄鮑開運代辦縣事遂帶勇馳赴

各鄉殲擒匪黨八十餘名鄉民愈聚愈多遂于是月初

四日闖至縣署聲言尋鮑令報仇府縣挺身出外遂同

被戕維時鄂省無兵可調因奏請飭江觀督順道勦辦

續咨調在省之署湖北提督阿勒經阿挑選防兵六百

名會同進勦擒其首從寘之法而張太守接辦崇陽嘉

魚之匪亦以次掃盪廓清江觀察統帶楚勇一千七百

餘名調援皖豫登舟東下待至潯陽而金陵回竄之賊已入江界于是崇通一帶之土匪復起官兵不暇捕粵逆乘間裹脅以通陸路之援三年以後遂爲更番迭踞之巢穴直待楚北三次盪平始就肅清甚矣山谷之間伏莽之所憑非翦其羽翼則繒繳未易施也

六年三月粵東西之賊自樂昌仁化等處竄入楚界時則湖南土匪被其裹脅分股竄擾及耒陽永興等縣迭經各縣斬擒又有嘉禾股匪竄至桂陽州經守備帶勇奮力擊退追至郴桂交界會合團練分路夾勦生擒匪首淡光開等百餘名嘉禾之一股肅清其竄逸者復經

粵氛紀事

卷之七

甲

各團縛送百數十名得其著名之逆首朱九壽尹石保二犯就地正法土匪潰散官兵遂以次擊退粵東西之賊 九月襄陽匪徒作亂擾及樊城鎮經官制使調派兵勇並水師炮船馳往勦辦該匪于鎮上築壘抗拒又分竄穀城縣屬之鄉間意圖直撲光化縣之老河口經穀城縣知縣徐福海擊退該匪又竄至穀城縣之小河口湖北鹽法道常恩扼之于要路該匪復竄回襄郡 十月該匪又分股竄入襄棗交界之黃龍壩余山店一帶遂竄撲棗陽縣城護軍叅領舒保知府唐訓方等直趨黃龍壩迎勦追至余山店該匪遂聚眾數千圍撲襄

陽府布政使馬秀備

率兵禦于城外大敗之其老河口

擊敗之賊復竄至穀城縣之冷家集乘間撲入縣城又
經穀城知縣擊退該匪屢敗遂逸入于河南之新野縣

連陷鄧州續經河南官軍掃盪平之

湖北廣濟戕官

二年三月

署黃州府知府邵綸浙江慈谿人癸巳進士

黃梅縣知縣代辦廣濟縣事鮑開運

事見上請交部照例議卹

襄樊勦土匪陣亡

六年十月

湖北候補府經歷栗瀚源

加知縣銜議卹

粵氛紀事

卷之七

望

儘先守備盧占春

藍翎千總劉志高

以上照都司例

六品軍功董青雲

加守備銜

据原奏力戰陣亡請交部從優議卹

